

SANITÉ: La doturia Grete Mahlknecht é demez y vëgn sostituida dai 22 ai 26 d'agost dal dot. Marcocci te so ambulatore a San Martin: lönesc 10.00 - 12.00; dedolönesc 16.00 - 19.00; jöbia 9.00 - 11.00

PLOANIES SAN MARTIN Y LUNGIARÜ

L'Ofize Diozejan por la Pastoralia pîta döes incuntades de formaziun y de abilitaziun por chi che oress surantó le sorvisc da partí fora la comuniun: 1^a incuntada ai 8 d'otober dales 9.00 ales 16.30 cun le referënt Stefan Huber "Zelebrazion dla liturgia"; 2^a incuntada: ai 21 d'otober dales 19.00 ales 21.30 cun le referënt Andreas Ennemoser
Tolede sö defata contat cun le ploan o cun le/la presidënt/a dl Consëi de cöra [www.bz-bx.net/fileadmin/Liturgie/220924_KH-MSAusschreibung\(bz-bx.net\)](http://www.bz-bx.net/fileadmin/Liturgie/220924_KH-MSAusschreibung(bz-bx.net))

Curs de formaziun por conduturs/ies dla Zelebrazion dla Parora de Dî a Porsenú tla scora teologica de indöt 11 sabedes y inultima de n'edema lapró. Al mët man ai 15 d'otober. Ince por chësc curs él defata da tó sö contat cun le ploan o cun le/la presidënt/a dl Consëi de cöra.
www.bz-bx.net/de/glauben-und-liturgie/liturgie/wort-gottes-feiern.htm

SAN MARTIN

Dilan dl'oferta da pert dla familia Mutschlechner dl Pech d'Al Plan en memoria dla defunta Ida Rubatscher Erlacher.

En dedemesaledema dales 17.00 inant vëgnel sié la cortina. Da bur tëm্প la jöbia. Chi che vëgn a daidé, dess denant cherdé sö Leo 348 40 96 351.

LUNGIARÜ

La Uniun dles Ères da Lungiarü organisëia cun le sostëgn dl consëi de formaziun le workshop "Introduziun ala cosmetica naturala" cun Giulia Moling en mertesc ai 30 d'agost dales 19.00 ales 21.00.
Prenotaziuns pro Giulia al numer 347 5860697.

L'Orchestra Val Badia, en colauraziun cun Smach, inviëia düc al concert tla Val dl'Ert, en domënia, ai 21 d'agost, dales 17.00. Tl caje de bur tëm্প vëgn le concert tigní tl Istitut Ladin Micurá de Rù.

Concert dla Musiga da San Martin en jöbia ai 25 d'agost dales 21:00 sön le paiun a San Martin. Düc é bel inviá!

La mostra de pitöres "contrasc" de Roland Moroder tl salf dl Istitut Ladin a San Martin é daverta cina en domënia, ai 28 d'agost, dales 10.00 ales 12.00 y dales 15.00 ales 19.00

Le cor Kyrios cun band tëgn sot ala direziun frësca de Julia Frenademez n concert modern ai 1, 3 y 4 de setëmber a La lla tla Ciasa dla Cultura. I posc pó gni resservá online (www.kyrios-badia.it) o por telefon +39 377 30 79 812 (17:30 – 19:00). I sëis düc dër bel inviá!



<https://www.valbadiaonline.it>
20.00

Plata dles Ploanies San Martin y Lungiarü

ploan siur Klaus Sottsas 344 15 54 055 - klsoettsas@rolmail.net
curat siur Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194

21.08. - 28.08.22 n. 39

ultimo termo por comunicaziuns: jöbia, dales

21^a DOMËNIA IA POR L'ANN C

Vangele do Lûca 13,22-30

Te chël tëm্প ê Gejú gnü damané: Signur, n'él mâ püc che vëgn salvà?
Al ti à dit: Porvésse cun dötes les forzes da passè por la porta strënta; deache tröc, ves diji, porvarà da rové ite, mo ai ne sarà nia bugn.
Sce le patrun de ciasa lê sö y sera pro la porta, restëise defora, i tlocorarëis pro porta y i cherdarëis: Signur, dëuresse!
Mo ël ves respognarà: I ne sa nia da olach'i sëis. I dijarëis spò: I ùn pö mangé y boiü cun tè, y tó as pö insigné sön nostes plazes.
Mo ël ves respognarà: I ves diji, i ne sa nia da olach'i sëis.
Demez da më, i ëis düc fat de tort. Dailò beriarëise y rotarëise i dënz, canch'i odëis che Àbraham, Ìsach y Iàcob y düc i profec é tl rëgn de Dî, mo che os instësc sëis stluc fora. Y an gnarà dal oriënt y dal ozidënt y + dal nord y dal süd y se sentarà pro mësa tl rëgn de Dî. Spo nen saral di ultimi che sarà i pröms y di pröms che sarà i ultimi.



Al foss bel sc'i fossun bugn da salvé le clima zënza renunzié a nostes comodités, sc'i podessun consumé ci ch'i orun, zënza se cruzié de chi che vëgn do da nos, sc'ara jiss da vire tla democrazia, tla liberté y tla iustizia, zënza ne fà degun sforz.

La storia nes mostra indere che de bunes condiziuns umanes por nos y por d'atri n'é nia da arjunje zënza sforz y sacrifici. Sc'i fajun ma ci che vá saurí da fá, sarál inultima ince por nos "da berié y da roté i dënz".

Zënza avëi na vijun dan i edli, coche le monn da indoman dess ciaré fora, zënza se dé da fá, s'incorajé y se dé confort un al ater n'armoianse nia gran tröp. La noela dl regn de Dî, sciöche Gejú nes l'á vita dant, podess ester la dërta indicaziun.

image

EDEMA	SAN MARTIN	LUNGIARÜ	Festa de San Berto sö La Crusc - 7.30 Prozesciun da San Linert sö - 8.45 Prozesciun dala staziun dl lift inant - 8.30 Mëssa solëna cun prozesciun euc. 
21.08.22 21^a Domënia ia por l'ann C	9.00 Corona 9.30 Gran Mëssa por la Comunité de rengr. fam. Lorenz y Elisabeth Planatscher Benedisciun dl tëmp	7.50 Corona 8.15 Gran Mëssa por la comunité Benedisciun dl tëmp 15.00 Corona tla capela S. Ojöp Fr.	
22.08.22 Lönesc <i>S. Maria Regina, Regina</i>			
23.08.22 Dedolönesc <i>Rosa da Lima</i>	19.00 Mëssa + Giovanni Videsott, Cir (dl ann) + Erna Frenner		
24.08.22 Dedemesaledema San Berto apostul, Isolde	Aniv. Consacraziun dla dlijia da Picolin 19.00 Mëssa a Picolin de rengraziamënt a Sant Antone + Matí Tolpeit	7.30 Mëssa por la fam. Eugenio Maieron	
25.08.22 Jöbia <i>Senese, Ludwig, Patrizia</i>	7.30 Mëssa + Hermann Burkia y + + Pescosta, Verda + Tone Unterweger Corona por vocaziuns		
26.08.22 Vëndres <i>Gregor, Alexander</i>	18.30 Devoziun chîta 19.00 Devoziun deboriada	7.30 Mëssa + + de Maria y Sepl Clara	
27.08.22 Sabeda <i>Monica, Gebhard</i>	20.00 Mëssa prefestia vis y def. fam. de Carmela Erlacher, Finazer + + de Frida Videsott	18.30 Mëssa prefestia por vis y defunc da Mazchel dl ann de + Eusebio Nagler por les families de Marino Clara	
28.08.22 22^a Domënia ia por l'ann C <i>Sant Agostin</i>	9.00 Corona 9.30 Gran Mëssa por la Comunité + Clara Flöss Afreider, Coltlames + Angelina Vanzi Baldissera Benedisciun dl tëmp	7.50 Corona 8.15 Gran Mëssa por la comunité en onur de Sant Ojöp Freinademetz Benedisciun dl tëmp 15.00 Corona tla capela S. Ojöp Fr.	

Insciö baia Gejú de se instës:
Che Èl sará chël
che ne ves lasciará nia ite,
che ne conesciará nia chi che stá dan porta.
Chësc fej me.
Stluc defora por dagnora?
I ne crëii nia.
Por n pez unse ciamó la poscibilité
da dé ota.
Por gauja de nostes colpes
ne sunse nia da conësce por Gejú.
Mo sc'i dun ota,
y sc'i se porvun dassënn
da mudé vita y da fá damí
- spo crëii y speri -
che Gejú nes ciarará indô cun d'atri edli
y nes lasciará ite.

Hetty Krist